

Communicaziun a las medias

Purschida da films e serias rumantschas sin Play Suisse

Cuira, ils 23-02-2021 – **Tschaffen da guardar films ubain serias svizras per rumantsch? Lura èsi da dar in cuc sin la plattafurma da streaming Play Suisse. Ensemen cun las ulteriuras unitads da la SRG SSR ha Radiotelevision Svizra Rumantscha (RTR) lantschà il november 2020 questa plattafurma ed amplifitgescha la purschida rumantscha d'in cuntin. Sin Play Suisse èn da chattar films per uffants, documentaziuns fin a l'emprima seria rumantscha «Metta da fein». Ina purschida per ina e scadin.**

Radund trais mais suenter la lantschada da la nova plattafurma da streaming Play Suisse èn disponiblas radund 120 contribuziuns per rumantsch ubain cun sottitels rumantschs.

Uschia pon ins chattar films premiads sco «**Mia vita da zucchini**» (original «Ma vie de Courgette») a partir d'immediat cun sottitels rumantschs. In film che tracta dad lcare che viva persul cun sia mamma che numna el «Zucchini». Durant che lcare gioga cun las stgatlhas da biera da sia mamma alcoholicra, succeda in grev accident che mida per adina la vita dal mattet da nov onns.

Il film «**Frontaliers disaster**» represchenta la cumedia italoфона sin la plattafurma da streaming. Roberto Bussenghi è in da blers frontaliers che passan di per di il cunfin per pudair lavurar en Svizra. Pervi da la guardia da cunfin Loris J. Bernasconi vegn el però regularmain memia tard. Il destin vul che ils dus inimis natirals vegnan sfurzads a co-exister.

Ad amantas ed amants da films istorics porscha Play Suisse il film davart la perforaziun dal «**Gottard**». In film svizzer che raquinta l'istorgia da l'emprim tunnel ch'è vegnì construì a partir da l'onn 1872 tras las Alps.

Ma co activar ils sottitels ubain midar la lingua? Ils sottitels rumantschs pon ins activar cun guardar il film en il player e cun far in clic sin il simbol da nivletta sutvart a dretga. Silsuenter s'avra ina fanestra, nua ch'ins po activar ils sottitels ubain midar la lingua.

Cuntegn rumantsch per uffants e giuvens da spiert

Il film «**Molly Monster**» tematisescha las midadas che stattan avant porta tar la pitschna Molly, cur che la famiglia crescha. Sper quest film da 70 minutas empermettan er ils 52 filmins da «**Helveticus**» cun lur cuntegn instructiv intgins muments d'aha. En duas stafflas vegnan tractads eveniments, atgnadads e personalitads da la Svizra. Era tgi che s'interessa per animals e natira na vegn betg a la curta. En la seria «**Super Bio Heroes**» vegnan purtretads dudesch insects ed animalets indigens – ils campions da la biodiversitad.

Sper offertas per uffants porscha la plattafurma radund 80 episodas da l'emissiun «**Cuntrasts**» e la seria naziunala «**Far Svizzers**». En quatter episodas dat questa seria in'invista fitg intima en il process da naturalisaziun en Svizra. Sper questas documentaziuns èn sa chapescha era da vesair l'emprim film rumantsch «**Amur senza fin**» e l'emprima seria rumantscha «**Metta da fein**».

Dapli infurmaziuns

Radiotelevision Svizra Rumantscha, Via da Masans 2, 7000 Cuira
Madlaina Niggli, responsabla events e communicaziun, tel. 058 136 30 32, madlaina.niggli@rtr.ch